

AD PAVLVM 3 CAMILLVM

SFOND RATVM

S. R. E. Card. Amplissimum.

IANI PELVSII CROTONIATAE
APHTOSCHEDIASMATA.



PARMAE. Apud Erasinum Viothum,
Permissu Superiorum. 1591.

PAVLO CAMILLO
SFONDRATO S. R. E.

CARD. AMPLISS.

*Ianus Pelusius Crotoniata
Salutem D.*



VPERIORIBVS diebus in
communi nostra omni-
um Aulicorum lætitia ,
non potui me continere,
quin conceptū gaudium
nouamq: nostri Herois
dignitatem Latinis odis
patefacerem , posterisq;
testatam relinquerem .
Eodem ipso tempore, fer-
uente adhuc ingenij ca-
lore, & Musa canendi materiam suggerente, hæc Aphto-
schediafmata eadem facilitate, & natiua quadam fluen-
te vena effudi : quib. Amplitudinem tuam hanc ob-
rem donare volui: quod Patruus tuus Pontif. Opt. Max.
cum sua sponte, & voluntate, tum tua cura , & opera in
primis excitatus , Odoardum Farnesium Princip. Se-
renis. in collegium summorum Patrum cooptauit, atq;
in ampliss. Ordinem asciuit. Quando igitur Farnes-
iorum Procerum es studiosissimus , Pelusium illorum
seruulum, & Odoardi præceptorem in tua fide, & clien-
tela obsecro esse sine: & qualiacunq; sunt hæc ingenio-
li nostri, & in te obseruatiæ monumenta humaniter ac-
cipe. Si ita feceris, vt meliora dem , animos addide-
ris. Vale. Parmæ Nonis Aprilis M. D. LXXXXI.

AD

AD PAVLVM CAMILLVM

Sfondratum S. R. E. Card.

Amplissimum.



FONDRATE sacra gloria purpura,
Et Vaticanæ præsidium chori,
Insubrium quo gens alumno
Magnus & Eridanus superbit,
Non absq; sancto numine Calitum,

Summus Sacerdos Patruus est tuus

Hoc perditio seculo creatus :

Quod scates omnigenis periclis.

Claros Quirites dira premit fames,

Aequoq; pulsat celsa palatia,

Casasq; viles fuste, gazis

Nescia vel lacrymis moueri.

Quamuis supersit flaua pecunia,

In Adriani mole recondita

A Patre Xisto hos ante ad usus :

Dona tamen Cereris paramus

Nusquam locorum, Christicolæ Duces

Quos iure torquent ; gratia ni pluat

Ex arce calii cuncti ad unum

Oenotrij pereunt coloni.

Sicana tellus quum daret uberes

Messes quotannis, nunc alimoniam

Ab oppidis poscit remotis :

Esurit & Calaber propinquus.

Et qui solebat frugibus antea

Implere largis horrea, & exteras

Nutrire Garganus ceteruas,

Vix reficit proprios agrestes.

Egent Hetrusci, dedita ritibus

Gens Prisca veris, & Cererem vehunt

Abusq; postremis Batauis,

Per freta veliuolis carinis.

Gallus rogatus præ nimia fame,

Fulcire ventrem gramine cogitur

Non consueto, & inde vitam

Deserit, ac tegitur sepulchro :

P multa curto carmine colligam ,
 Ira Deorum tota eget Ausonis ,
 Peritq; passim per plateas ,
 Lethiferis misera morbis .
Tot hisce damnis ; & grauibus malis
 Accedit, hostis Turca quod impiger
 Quiritibus cædem minatur ,
 Et Patribus Venetis catenas :
Armata classis milite barbaro ,
 Iam soluit Helles faucibus e maris ,
 Petiitq; Creten centimembrem ,
 Et Iouis Aegiochi parentem :
Et ante pubis Threiciæ manu ,
 Ut occupauit Cypron amabilem :
 Sic improbus regnis auitis
 Iungere Gnoſſiacas secures
Fidit : sed ausis tam temerarijs
 Ibit Senatus prouidus obuiam ,
 Ad Actiumq; Marte victum ,
 In medijs lacerabit undis .
Arua igne vastant & chalybe exules ,
 (Inuisa Diuis turba potentibus)
 Viamq; cæſorum recenti
 Aemiliam inficiunt cruore :
Et Rex anhelat sceptræ Lutetiæ ,
 Fascesq; regni , non bene de Fide
 Qui sentit, & ſpretor Deorum ,
 Centimano eſt ſimilis giganti ;
Fretus Britannis , quos mulier regit
 Eliſa, Mauris ſenior anguibus ,
 Amicâ Baccho, amica mæchis ,
 Conſilijs inimica rectis ,
Sperat potiri diuite Gallia :
 Sed errat amens ; nam Trebia potens
 Parmaq; Princeps, Dîs amicis
 Fulmineo ingulabit enſe ,
Et liberabit Celtigenas patres
 Ab efferatis gentibus : ac trucem
 Viraginem cæſis Britannis ,
 Supplicio afficiet ſupremo .

Tu Paule donec Max. Opt.

Orat Triados numina Pontifex
Pro ciue Christiano, & agnos
Hostis ab insidijs tuetur,

Heros Atlanti fecit ut Hercules,

Laborioso pondere siderum
Quum pene fesso, fulsis æthra
Vertice supposito cacumen,

Capesse regni munia maximi,

Onusq; firmo robore sustine,
Et mente prudenti ruentis
Imperiij moderare habenas.

Est nota cunctis vis sapientiæ

Tuæ, nec ullus ciuis, & exterus
In urbe nescit : ipse quantum
Consilio valeas, & ore.

Ad Gregorium XIII. Pontif. Opt. Max.

S FOND RATE Diuûm numine Pontifex,

Qui Christianis omnibus imperas,
Legesq; figens, & reficens,
Arbitrio moderaris orbem,

Quando procaces Vascones in pios

Parisienses bella iterum mouent,
Henricus & scelestus ardet
Celtidos imperio potiri,

Matura bello tempora dum spunt,

Occasionem prospere, & optime
Rei gerendæ, ne feras abire
In nebulas, tenues & auras :

Cincti Latinis sint legionibus

Fortes Iberi, sub Duce Strenuo
Parmense, qui Belgas rebelles
Subdidit imperio Philippi,

Tuensq; duro Marte Lutetiam,

Septam prophanis undiq; copijs,
A Vasconum Regis furore
Eripuit sine clade victor.

Si Quintus olim Max. Opt.

Christi Sacerdos, iunxit Iberiæ

Suos Quirites, & superbis
 Scipiadis Venetum Senatum,
 Turcasq; vicit Dulichio in mari,
 Et tot triremes merfit in æquor,
 Quot Persidis quondam Tyrannus
 Duxit in Argolidas Dynastias;
 Præfetus Heros quum triplicis foret
 Classis, Latinos ante alios Duces,
 Graiosq; maior bello, & armis,
 Austriada Caroli propago.
 Si tu Quirites fœdere iunxeris
 Regi Philippo, & duxerit agmina
 Parmensis Heros bellicosus,
 Victor ages celebrem triumphum.
 Res inuolutas, & nimis arduas
 FARNESIANAE perficiunt manus,
 Quas Christus æternus tuetur,
 Eripit & dubijs periclis.
 Et si quis unquam Palladis artibus,
 Armisq; Martis floruit hætenus,
 Is est: ut ipse Belga testis,
 Herculeo domitus duello.
 Extende palmas Max. Pontifex
 Cælo supinas, namq; hominum pater,
 Diuûmq; Christus te precantem
 Audiet omnipotens ab alto.
 Res magna, forti fidere militi,
 Et res tuenti Christiadum manu:
 Sed maior in votis, p̃ijsq;
 Vis precibus, lacrymisq; sanctis.
 Ad Gregorium XIII. Pontif. Opt. Max.
 O QVI Sacerdos Summus & Opt.
 Es constitutus numine Calitum
 In sede Petri, & Vrbe Roma
 Christiadum Pater, atq; Custos,
 Donec salubri gramine paueris
 Oues, & agnos prata per herbida,
 Fatas nec ursas, nec leones,
 Nec virides metuent colubras;
 Romana quantis gens premitur malis

*De Vaticano culmine respice ,
 Opemq; da precor, priusquam
 Dira fames adigas sub harpen*
*Parca rapacis : tecta Lutetia
 Ab impiorum faucibus eripe ,
 Qui sceptrum Regni concupiscunt ,
 Funus & imperio minantur .*
*Vindex seuerus ni fueris pater
 Tot Barbarorum : robora Vasconum
 Parisienses res , & vrbes ,
 Teutonicis opibus refringens ,*
*Bonosq; ciues Marmaricus leo
 Vt molle ricu dilaniat pecus :
 Sic scindet Henricus proteruus ,
 Peior & Encelado gigante .*
*Sauus Tyrannus Threiciae plagae
 Qui classe cepit Cypridos insulam ,
 Sittitor est nostri cruoris ,
 Et Fidei capitalis hostis :*
*Fac Rex Philippus magnus Iberiae
 Forti triremes remige compleat ,
 Clangore fac praeco tubarum
 Vulget iter Libycas ad vrbes :*
*Hinc post Tunesi ut mania reddita
 Hero priori, dirigat in Scythas
 Suas phalanges , & Tyranno
 Othomano inuicias catenas :*
*Qui per tot annos seruitio premis
 Graios : secundis rebus & ebrius ,
 Molitur Adriæ supremum
 Funus, & Hesperiae ruinam ,*
*Hellesq; ponti faucibus incubans ,
 Christi sepulchrum possidet, & bibis
 Iordanis undas : occupatq;
 Quae tumidus rigat arua Nilus .*
*Et hinc Molossos , hinc Numidas trahens ,
 Propinqua ponto terreat oppida ,
 Tutusq; classe formidanda ,
 Threicijs dominatur oris .*
Fac ut Philippi Regis Iberiae

*Pauore, se se contrahat, & fugam
Capeſſat ultro trans Gelonos,
Trans Tanaim, & rigidum Niphatem.*

*Videre forteis iam videor Duces,
Victorioſæ munus adorea
Armis apisci, iam cremari
Aſpicio Scythicos penates:*

*Cerno Sabais de regionibus
Portare nautas ihurea munera
Cum torridæ Zone colonis,
Ad Latium, Dominamq; Romam.*

*Iberus oris victor in omnibus,
Virtutis ergò præmia poſtulat,
Aut ære de fuluo lebetas,
Aut tripodas, alioſuè honores,*

*Tibiq; grates innumerat agit,
Authore quod te fuderit agmina
Gentis ferocis, & ſuperbum
Duxerit ad patriam triumphum:*

*Dein hæc Camanis ſuaue canentibus,
Pandet futuris facta nepotibus:
Et te per omneis orbis oras
Pontificum decus eſſe dicet.*

*Ad Io. Antonium Piſanum huius ætatis
medicorum principem.*

*D^VLC^{EM} Calliopelyram
Suſpenſam trabibus ſuſcipe, & incipe
Mecum reddere debitas
Grateis Calicolis, & Patri Apollini.*

*Piſanus medicamine,
Nigrum moly ſacer Mæonides vocat,
Appellat panacem Maro,
Puſſis e cubito ad Baſtra doloribus;*

*Memet reſtituit mihi,
Et me Pierio reddidit agmini:*

*Quod morbi feritas domo
Vſq; ad ſtagna Stygos lucis egentia
Præceps egerat. horrida*

*Iam me nec macies, nec dolor occupat:
Iam Bacchus ſapit, & Ceres:*

Et poſt

Et post longa meo tempora brachio
 Plena est reddita sanitas.
 Implete Aesarides æthera cantibus
 Nymphæ, & tangite barbiton,
 Ianus vinit adhuc sospes, & impotens,
 Et sub tegmine laureo,
 Qua se tollit humo Diua Lacinia,
 Væstat Pierijs rotis
 Laureæ progeniem sidera ad aurea.
 Si me diligitis Dææ,
 Afferte huic homini ferta virentia,
 Grati signa animi mei:
 Et miscete sacro Pegasidum choro.
 Vos pupæ, & pueri integri,
 Quorum grata Deo carmina maximo,
 In templo, & medio foro
 Vt Diuum meritis tollite laudibus,
 Et pulsa inuidiæ procul,
 Hunc Coo medico dicite Delia
 Maiorem cithara: Iouis
 Id sic esse docet filia veritas.
 At tu cura medentium,
 Et spes doctiloquæ magna Neapolis
 Pisane, Aeolia chely
 Summum Pontificem quam potes euehe:
 Eius namq; elegans Nepos,
 Ac lux purpurei, & præsidium chori,
 Et quod dicere debui
 Primum, aures Patruī, claraq; lumina,
 (Vt vox una Quiritium est)
 Debebit numeris perpetuo tuis:
 Atq; alter velut Hercules
 Suppositis humeris sidera fulciens,
 Vna cum Patruo optimo
 Orbis sceptræ reget, pondus & imperi.
 Ad Romam.

IN septicolli postea cacumine
 Ani secunda, & sydere prospero
 Ab Ilia, Martisq; prole
 Roma parens generosa Regum,

Quæ tot creasti patria Cæsares,
Tot laude belli Dis Proceres pares,
Ducesq; magnos, Consulesq;
Palladij studijs, & armis
Illis priores Semideis; olor
Quos Mantuanus tollit ad æthera,
Doctusq; Homerus cantat esse
Præsidium; & columen Pelasgis,
Inusitatis laudibus euehe
Rerum parentem, qui prece supplice,
Votisq; Romuli nepotum,
Iustitia, & pietate clarum
Concessit alium Pontificem tibi:
Sub quo per omnes relligio locos
Florebit; hæresisq; tetra
A Batavis fugiet profanis,
Et derelinquet Tentonicos greges,
Linguaq; forteis Saxonas & manu:
Nam vecta Pegaso reuifcet
Aethiopas, Arabasq; molles.
Regina prisca sæua Britannia,
Ponet nefandis flagitijs modum,
Et desinet tandem pudendis
Opprobrijs maculare Diuos;
Amplexa sanctam Christiadum fidem,
Virumq; in albo scripta fidelium,
Cum subditis suis sacrorum
Pontificum rata iussa habebis:
Ac templa Christi diruta funditus
Ab insolenti milite, strenue
Cum pube curabis piorum
Auspicio meliore surgant.
Germanus armis insuperabilis
Infanientis ius sapientiæ
Recidet, & menti tenebras
Quas tulerat sinuosus error:
Ad se reuersus nam sapiet sibi,
Verosq; cultus, dogmata & aurea,
Ritu relicto pestilente,
Ad patrias renocabis oras.

*Parisenses lumina Galliae,
Regis Philippi viribus additi,
Et copys tuis, tuisq;
Romulidis patre Marte natis,*

*Quos ducet Heros strenuus HERCVLES
(Alter malorum pulsor ut HERCVLES)
SPONDRATVS, ense sic Molossis,
Vt Numidis metuendus hasta,*

*Cunctis ab oris Celtidos improbo
Cum Rege pellent agmina Vasconum
Adusq; Ditis antra, adusq;
Persephones taciturna regna:*

*Latiq; Regi sceptrum dabunt nouo,
Qui Christianos protegat, & fidem
Ab ultima Occidentis ora
Proferat ad populos Eos.*

Ad Viros Christianos.

*G**AVDETE gentes qui colitis Deum,
Qui nos redemis sanguine proprio
A morte, & igne sempiterno,
Qui in Barathro cruciat profanos:
Christi Sacerdos Max. Opt.*

*Petri carinam dum reget in mari,
Campos arabis usq; , & usq;
Aequoreos Zephyris secundis.*

*Aduersus Auster surgat, & Africus,
Salsiq; turbent marmora gurgitis
Quantum libet: portum cupitum
Cymba Petri incolumis tenebis.*

*Nil cincta monstros Scylla voracibus,
Nil quæ senuit mergere nauitas
Cum puppibus Charybdis, illi
In tumido pelago nocebit.*

*Regente clauum GREGORIO, Noti
Eludet ausus: Acrocerannia,
Symplegadasq; in transstra temnet
Cursibus oppositi ruentes.*

*Hic namq; Typhi sidera rectius
Nascentis hædi non bona nauibus,
Atq; Orionis nouis astrum*

Innocuis nocuum carinis.
 Et ut potentum lingua Quiritium,
 Ac penna vatum, & Pieridum lyrae
 Passim loquuntur, regna iussis
 Christiadum moderatur aquis:
 Graui nocentes supplicio afficit,
 Dignis merentes tollis honoribus,
 Astra poscit ut seuera,
 Et Nemesis studiosa recti.
 Est magna virtus Principis optimi,
 Aequa popello lance rependere
 Et praemia, & panas: salubrem
 Hac etenim medicina morbis
 Affert medelam. califer Hercules
 Quod tot latrones sustulit, & feras,
 Et tot tyrannos, totq; monstra,
 Filius est habitus Tonantis.
 At ipse Christi cuncta Vicarius
 In Vaticano colle sedens regit,
 Orcumq; prauis, astra iussis
 Dans, animas ligat, atq; soluit.
 Dicende vati Maonia tuba,
 Aut Mantuana Max. Pontifex,
 Incumbe laudi, incumbere fama,
 Atq; tuos populos tueri.
 Sic perge; magnus grandia sic Deus
 Tibi rependas praemia, & amplius
 Cum mente sana det senectam
 Degere, nec requie carentem.
 Si mi supersit vita, nec improbus
 Morbus dolores auxerit; in solo
 Tollam paterno te quadrigis
 Aonijs per inane magnum:
 In Cispadanis vel regionibus
 Tuos honores versibus eueham,
 Chelyq; nomen: nam canenti
 Materiam mihi Musa subdet,
 Sic alta virtus, sic pietas tua,
 Sic litterarum cognitio exigit,
 Et sancta vita, qua cornuscum

*Te video radiare ut astrum.
Tu rector orbis, Tu Pater Optime
SPONDRA TE, summum Pontificum decus,
Pelusij sonum Camana
Auribus accipias benignis.*

In Exules.

L*AVERNIONES pròh scelus impudens?
Lucense Phæbo, Flaminia in via
Ter mille in horas morte mutant,
Deinde cibum canibus relinquunt:*

*Fures rapaces perniciem in virum
Erinnys armat: Mars ferus incitat:
Bellona adurget: cura prædæ
In scelera exitiosa trudit:*

*Non obligati religionibus,
Gaudent soluti vivere legibus,
Per tesqua passim, tum fruisi
Cum Satyris dapibus ferinis:*

*Neroniano more pecuniam
Et his, & illis ut libet, imperant:
Quot imperata non facessunt,
Ceu teneri iugulantur agni,*

*Vel rura perdunt, vel proprios greges,
Exire tectis nec licet amplius:
Dehisce Terra, & hos tyrannos
Deuiche Tartareos ad angues.*

*Periculosum est ne pereant boni
Mores, verenda & religio Dei:
Impura ni labes facessat
Ad Barathrum, Barathriq; sordes.*

*Nam dum colonis exitium parant,
Et ære mutant scrinia diuitum,
Res turbulentas machinantur,
Atq; acuunt Acherontis iras.*

*Pellatur ergo barbaries procul,
Infecta cunctis barbaries viris,
Et quot Dynasta, vel Tetrarchæ
Barbariem auxilio focillant.*

*Ad hos latrones undiq; confluunt,
Quot sancta iuris pellit ab urbibus*

*Tutela : quot inuat rapina ,
 Et gladios scelerare cæde .
 Castris locatis vertice in arduo ,
 Audent vocare ad prælia Martios
 Remi nepotes : qui tot annos
 Regna tenent potiora mundi .
 Sicariorum sed manus impia
 Dignum nefandis supplicium dabis
 Ausis ; prehensa, & cæsa pascet
 Visceribus rapidas volucres .
 Hac peior armat robora Vasconum
 Henricus Heros, & sibi vendicas
 Parisensium tiaram
 Sidere, & auspicijs sinistris .
 Quid arma tractas ? perdice quo ruis ?
 Non regna iusti Dî tibi destinant
 Digno, trecentæ quem Chimæræ, &
 Mille premant Furie sub Orco :
 Relictus hæres legitimus fores ,
 Ni insanientis vim sapientiæ
 Quam prædicant Lutheriani,
 Vnguibus a teneris bibisses :
 Quando ergo tanti causa tibi es mali :
 Tuæq; culpæ non alius faber,
 Quam tu : relinque stulte tandem
 Capta, quibus Superi repugnant .
 Non Diua gratum quæ regit Antium,
 Dat sceptræ regni, stemmata & imperi,
 Sed ille Christus, Christus ille,
 Cuncta supercilio gubernans .
 Tun' Rex Lutheri quem inuat hæresis,
 Des iura Gallis nomine fulgidis
 Tam Christiano, quam quis unquam
 Flornit æthereo sub axe ?
 Henrice demens quærere desine ,
 Cur regna Christus transferat, ut libes :
 Sunt abdita hæc ; Sotherq; Christus
 Denegat Oedipodis futura .
 Sat Musa de tam rege Nefario :
 Manum supremam pone operi, & scopum*

*Feri sagittis destinatum :
Arcus hebet, tenuisq; chorda est.*

In Exules.

Q*U**D* *ter scelesti, ter temerarij,*
Tot immerentis cæditis hospites,
Quot asserunt viam quieto
Flaminiam pede, vel quadrigis ?

Erravit acer Spartacus Italæ
Gensis per oras cum legionibus
Multis, sed obuios colonos
Abstulit lacerare ferro.

Vos (ut furentes per pelagus Noti
Mergunt sub undis pontigradas rates)
Dulces amicos, æque & hostes
Vt segetes metitis virentes.

Privatis vrbes ciuibus ; ignibus
Vastatis agros : tollitis incolas :
Velutq; Titanes proterui
Bella Ioui, & Superis mouetis .

Non hæc flagellis facta trium virum,
Nec digna palo, nec cruce, nec rota,
Sed Cerberi rictu trifaucis,
Ditis & anguicomis ministris :

Panas luetis sanguine debitas
Ausis : nefandam nam Pater Opt.
Propaginem radice ab ima
GREGORIUS gladio recidet,

Et insepultos vulturij cibum
Vos derelinquet per medias vias ,
Ne facta gentis tam profanæ
Posteritas legat in libellis :

Pompeius Heros laudibus inclytus
Purgauit vda marmora Tethyos ,
Tot efferos tollens latrones,
Quot regio tulerat Cilissa :

Idemq; fregit cornua Spartaci
Immaniorum principis exulum,
Delere quæ Crassus nequinit
Ditior ante alios Quirites.

Ausosq; montes montibus additos

Olim

Olim gigantes Thessalia in iugis
 Aequare cælo, & hinc præustis
 Cælicolas sudibus ferire,
 Inuictus omni cum Superum manu
 Nitente ab æthra fulmine Iupiter
 Ter mole dissecta per agros,
 Sub Stygias tenebras adegit.
 Sic noster orbis maximus arbiter
 SFONDRA TVS, omneis glandibus æneis
 Vos ter nefandos funeratos,
 Obruet horrificis procellis.
 Audetis atris sub nemorum comis
 Creare Summum Pontificem, & Dei
 Iactare corpus consecratum,
 Et pedibus terere ut racemos.
 Non hæc Apella, non profugi Scythæ,
 Non inquieti Teuones, aut Getae,
 Nec orbe diuisi Britanni,
 Aut Libyæ facerent coloni.
 Damnares isthæc facta nefarius
 Scinis, Procrustes, & Phalaris ferus,
 Artusq; viuos qui vorabat
 In Siculo Polyphemus antro.
 Gens fulta pectus Manibus Inferis,
 Inuisa quantum ciuibus est fames,
 Aut pestis, aut furor Gradiui,
 Quum facibus populatur agros,
 Ni vos (salutis tempora dum sinunt,
 Et sancta poscunt dogmata Cælitum)
 Megæra quot menti refundit
 Paniceat scelerum: potenti
 Non vos retundet Bellerophon manu,
 Qui sauentes uicit Amazonas,
 Flammiq; vallatam chimæram,
 Pectus equo genito ex Medusa:
 Sed ille Christus, qui imperium tenet
 In arce cæli, nube silentij
 Reconditos, telo trifulco
 Trudet ouans Erebi sub umbras.
 F I N I S.